

Plan de actuación 2023

Fundación Olga Gallego

21/11/2022



Contido

1. INTRODUCCIÓN.....	3
2. ORZAMENTO DA FUNDACIÓN PARA O ANO 2023.....	5
3. OBXECTIVOS.....	7
4. ACTIVIDADES	8
4.1 Celebración da V edición do Premio Olga Gallego de Investigación en Arquivos	9
4.2. Celebración das V Xornadas Olga Gallego de Arquivos.	10
4.3. Colaboración co Grupo Marcelo Macías de colaboradores do Museo e Arquivo Provinciais de Ourense.	10
4.3.1. Publicación en papel dun novo número do Boletín Auriense.....	10
4.3.2. Publicación en papel doutro anexo do Boletín Auriense....	10
4.4. Publicación dunha monografía recompilatoria dos artigos dispersos de Olga Gallego.	10
4.5. Difusión web da Fundación e das súas actividades.....	10

1.INTRODUCCIÓN.

A Fundación Olga Gallego, con Número de Identificación Fiscal G70402698, constituíuse na Coruña o día 24 de febreiro de 2014 por escritura pública outorgada ante o notario don José Manuel Lois Ponte, do Ilustre Colexio de Galicia, por dona Pilar Gallego Domínguez, irmá de Olga, e don Pedro López Gómez, que é presidente vitalicio dela.

A Fundación, que ten a súa sede na rúa Rosalía de Castro 13, baixo, 15004. A Coruña, foi dotada cun capital inicial de 200.000 € (douscentos mil euros) e persegue os seguintes fins:

- A protección, defensa e fomento dos Arquivos e do Patrimonio documental de Galicia e de interese para Galicia, e doutros territorios con vínculos culturais coa nosa comunidade como América e Portugal.
- O fomento da investigación sobre Arquivos e documentos de Galicia e de interese para Galicia, e doutros territorios con vínculos culturais coa nosa comunidade como América e Portugal.
- O fomento e estudo da Arquivística.
- O fomento da formación dos profesionais dos arquivos.

Para a consecución destes fins, e de acordo co artigo 7 dos seus Estatutos, que constan anexos á escritura fundacional, a Fundación pode realizar as seguintes actividades:

- a) Organizar congresos, xornadas, exposicións e certames sobre temas de interese para os arquivos e para os profesionais dos arquivos.
- b) Organizar conferencias, seminarios e outras actividades encamiñadas á difusión e ao coñecemento dos arquivos e do patrimonio documental
- c) Establecer comisións e grupos de traballo que realicen investigacións, estudos, enquisas e proxectos relacionados cos arquivos e os profesionais dos arquivos.
- d) Favorecer a investigación científica e técnica sobre arquivística, arquivos e documentos.
- e) Organizar premios de investigación en materia de protección, fomento e defensa do patrimonio documental, ou calquera outro aspecto relacionado coa arquivística e os arquivos.
- f) Editar traballos sobre arquivos e patrimonio documental
- g) Organizar cursos e outras actividades formativas relacionadas coa arquivística e cos arquivos.
- h) Crear canles de comunicación con institucións relacionadas cos arquivos e cos profesionais dos arquivos
- i) Así como calquera outra actividade de natureza análoga ás anteriores

A Fundación poderá realizar actividades económicas que teñan por obxecto o cumprimento dos fins fundacionais, ou sexan complementarias ou accesorias das anteriores, con sometemento ás normas reguladoras da defensa da competencia.

A Fundación foi clasificada de interese cultural para os efectos da súa inscrición no Rexistro de Fundacións de Interese Galego por Orde da Vicepresidencia e Consellería de Presidencia, Administracións Públicas e Xustiza da Xunta de Galicia, adscribíndose ao protectorado da Consellería de Cultura, Educación e Ordenación Universitaria por Orde do 28 de maio de 2014 (DOG núm. 118 do 23 de xuño de 2014). Por Resolución do 30 de xuño de 2014, da Secretaría Xeral Técnica da Consellería de Cultura, Educación e Ordenación Universitaria, declarouse de interese galego e ordenouse a súa inscrición no Rexistro de Fundacións de Interese Galego (DOG núm. 132, do 14 de xullo de 2014).

De acordo co artigo 12 dos seus Estatutos, a Fundación está composta por un padroado, constituído polas seguintes persoas:

D. Pedro López Gómez. Presidente.

D^a María Dolores Pereira Oliveira. Vicepresidenta.

D. Gabriel Quiroga Barro. Secretario.

D^a Isabel Buján Bernárdez. Vogal. Representante da Asociación de Arqueiros, Bibliotecarios, Documentalistas e Museólogos de Galicia (BAMAD-GALICIA).

D^a María del Mar García Miraz. Vogal.

D^a Olimpia López Rodríguez. Vogal.

2. ORZAMENTO DA FUNDACIÓN PARA O ANO 2023

Para a realización das súas actividades, a Fundación aprobou na súa xuntanza do día 13 de decembro de 2022, o seguinte orzamento:

CONCEPTO	INGRESOS €	GASTOS €
Ingresos financeiros	0	0
Gastos financeiros	0	210
IV Xornadas Olga Gallego de Arquivos¹	0	13.000
V Xornadas Olga Gallego de Arquivos	11.650 ²	13.000 ³
5ª edición do Premio Olga Gallego de Investigación en Arquivos	0	3.000
Gastos xestoría	0	300
Publicación do Boletín Auriense (Convenio co Grupo Marcelo Macías de Colaboradores do Museo e Arquivo Provinciais de Ourense)	0	5.500

¹¹ .- Estas xornadas celebráronse no ano 2022, en colaboración coa asociación BAMAD-Galicia, e co título: "Memoria documental de Galicia: as mulleres, a información e os centros de memoria". A falta dun balance económico final, próximo a presentarse, mantense a partida necesaria para afrontar as obrigas da Fundación, que serán un 40% do total dos gastos, segundo o acordado con BAMAD-Galicia.

² .- Calcúlanse uns ingresos de 1.250 por inscricións (50 persoas x 25 €) + 10.400 €, importe dunha posible subvención polo 80% do total de gastos estimados.

³ .- Estimación

CONCEPTO	INGRESOS €	GASTOS €
Publicación dun novo anexo do Boletín Auriense (Convenio co Grupo Marcelo Macías de Colaboradores do Museo e Arquivo Provinciais de Ourense)	0	3.600
Edición dunha publicación recompilatoria dos artigos disperso	0	3.600
Servizo de aloxamento da páxina web, correo electrónico e dominio⁴	0	400
Tributos e taxas	0	250
Outros gastos	0	150
TOTAL	11.650	43.010
Balance ingresos-gastos⁵	-31.360 €	

3. OBXECTIVOS

⁴ Inclúense o servizo da empresa provedora habitual, así como o correspondente ao arquivo electrónico na nube, a cargo de Google.

⁵ O balance do ano 2020 foi de -7.786,57 € e o de 2019, de -20.311,14 €

Para o ano 2023 prevese desenvolver os fins enunciados nos estatutos da Fundación a través do desenvolvemento e consolidación das súas actividades divulgativas, da celebración dunha nova edición do Premio Olga Gallego de Investigación en Arquivos e do impulso de actividades en colaboración con outras entidades.

4. ACTIVIDADES

Así pois, o plan de actividades para o ano 2023 comprenderá o desenvolvemento das seguintes accións: 1. Celebración da V Edición do Premio Olga Gallego de Investigación en Arquivos. 2. Realización dunhas novas xornadas, que conmemorarán o centenario do nacemento de Olga Gallego, que se cumpre en 2023. 3. Publicación, xunto co *Grupo Marcelo Macías de colaboradores do Museo e Arquivo provinciais de Ourense*, dun novo número do Boletín Auriense e dunha monografía na serie *Anexos do Boletín Auriense*. 4. Edición dunha publicación recompilatoria dos artigos de Olga Gallego dispersos en medios de escasa difusión. 5. Difusión das actividades da fundación a través do seu portal web e das redes sociais nas que participa (Facebook e Twitter).

Preténdese concluír todas estas actividades no transcurso do ano, de acordo co seguinte calendario provisional:

Actividade	Data de realización/finalización
Celebración da V edición do Premio Olga Gallego de Investigación en Arquivos	Marzo de 2023

Actividade	Data de realización/finalización
Publicación dun novo Anexo do Boletín Auriense	Xuño de 2023
Celebración das V Xornadas Olga Gallego de Arquivos	Outubro de 2023
Edición dos artigos dispersos de Olga Gallego	Outubro de 2023
Publicación dun novo número do Boletín Auriense	Novembro de 2023
Difusión web da Fundación e das súas actividades	Todo o ano

4.1 Celebración da V edición do Premio Olga Gallego de Investigación en Arquivos

O Padroado da Fundación Olga Gallego convoca a V edición do premio que leva o nome da arquiteira ourensá, dotado con 2.000 € (euros) e a publicación electrónica no sitio web da Fundación do traballo gañador e, de ser o caso, daquel ou daqueles que obteñan unha mención honorífica.

Os traballos poderanse presentar ata o 31 de xaneiro de 2023. O fallo terá lugar o día 8 de marzo dese mesmo ano.

O premio, que pretende potenciar a investigación no campo da Arquivística e do patrimonio documental, vai dirixido a persoas tituladas universitarias (diplomados, licenciados, graduados, titulados de mestrados e doutores) nos últimos 5 anos que sexan menores de 35 anos.

O certame inclúe o nomeamento dun xurado, cuxa composición se dará a coñecer o día 8 de marzo de 2023.

4.2. Celebración das V Xornadas Olga Gallego de Arquivos.

Olga Gallego na vangarda. 1923-2023 é o título provisional destas xornadas, que se pretenden celebrar para conmemorar o centenario do nacemento de Olga Gallego.

Esta reunión científica abordará distintos aspectos dos arquivos e da arquivística que se estean a debater nestes últimos tempos, como a intelixencia artificial, a conceptualización dos arquivos ou a memoria democrática, entre outros posibles.

4.3. Colaboración co Grupo Marcelo Macías de colaboradores do Museo e Arquivo Provinciais de Ourense.

4.3.1. Publicación en papel dun novo número do Boletín Auriense.

Será unha das actividades en que se concrete o convenio marco asinado no seu día co Grupo Marcelo Macías de colaboradores do Museo e Arquivo provinciais de Ourense.

4.3.2. Publicación en papel doutro anexo do Boletín Auriense.

Posible publicación doutro anexo, igualmente no marco do devandito convenio.

4.4. Publicación dunha monografía recompilatoria dos artigos dispersos de Olga Gallego.

Edición, en formato papel ou electrónico, dunha publicación en homenaxe a Olga Gallego, con motivo do seu centenario, que recompile os traballos dispersos de Olga en diferentes medios.

4.5. Difusión web da Fundación e das súas actividades

A Fundación continuará a difundir de forma periódica as súas actividades a través do seu sitio web (www.fundacionolgagallego.gal) e das contas que abriu nas redes sociais (Facebook -

<https://www.facebook.com/fundacionolgagallego-> e [Twitter-
https://twitter.com/olgagallegofund-](https://twitter.com/olgagallegofund-)).

A Fundación xa ten unha presenza consolidada nas redes sociais.

A Coruña, 26 de decembro de 2022